

## Неделя о Мытаре и фарисее

Канон Триоди творение Георгия. Егоже краестрочие в Богородичнах: Георгия, глас 6:

### Песнь 1.

**Ирмос:** *Яко по сѹху, пешешествовав Израїль / по бѣздне стопами, / гонителя фараона / видя потопляема, / Бѳгу побѣдную песнь поїм, вопіяше.*

Прїтчами вводяй вся Христѳс, / к житія исправленію, / мытаря възвышает от смиренія, / показав фарисея възвышеніем смиряема.

От смиренія честь высокотворяющую, / от возношенія же паденіе видя лютое, / мытаревым ревнѹй дѳбрым, / и фарисейскую злобу возненавидь.

От возношенія испражняется всякое благое, / от смиренія же потребляется всякое злое: / еже облобызим вернии, / гнушающесе яве образа тщеславнаго.

Смиреномудрым бѳти Своим учеником хотя всех Царь, / наказуя учаше ревновати / мытареву въздыханію и смиренію.

**Слава:** Яко мытарь стеноу, и рыданьми немолчными Гѳсподи, / ныне прихожду Твоему благоутрѳбію: / ущѣдри и мене, смиреніем жизнь ныне препровождаяща.

**И ныне, Богородичен:** Разум, совет, чаяние, / тело, душу и дух, Владычице, возлагаю к Тебѣ: / лютых враг и напастей, / и будущаго прещенія избави, и спаси мя.

### Песнь 3.

**Ирмос:** *Несть свят, / якоже Ты, Гѳсподи Бѳже мой, / вознесый рог верных Твоих, Блаже, / и утвердивый нас на камени / исповѣдания Твоего.*

От гнобища ѹбо страстей смиренный возношается, / от высоты же добродетелей низпадает люте всяк высокосердый: / еже образа злобы убежим.

Тщеславие отщетеваѣт богатство правды, / смиреніе же расточает страстей множество: / еже подражающия ны, части покажи мытаревы Спасе.

Яко мытарь и мы биющесе в перси, умиленіем вопіем: / очисти Бѳже нас, грѣшных, / яко да сего примем оставленіе.

К ревности приїдем вернии, исправляюще кроткое, / смиренію соживуще в стенаніи сердца, плаче же и молитве, / яко да имамы от Бѳга прощеніе.

**Слава:** Отрїнем вернии высокохвальную гордыню, / возношеніе же лютое, и дменіе мерзкое, / и злейшее фарисеево Бѳгу нелепое свирѣпство.

**И ныне, Богородичен:** В Тебѣ едином прибѣжищи надеявса, / да не отпаду дѳбраго чаянія: / но да улучу Твою поможь Чїстая, / всякаго вреда лютых избавляемый.

#### Седальны, глас 4.

**Подобен:** Скóро предварí:

Смирéние вознесé одержíмага злы́ми, мытаря́ возстенáвша, / и éже очíсти, к Зиждíтелю воззвáвша: / возноше́ние же низложí от правды / ока́йного фарисе́я велерéчующа. / Тёмже поревну́им дóбрым, злых отступáюще.

**Слава:** Смирéние дрéвле вознесé мытаря́, / пла́чем возопíвша: очíсти, и оправд́ся. / Того́ подража́им вси, во глубинú зол впáдшии, / возопи́м Спа́су из глубины́ сёрдца: / согреш́ихом, очíсти едíне Человеколю́бче.

**И ныне, Богородичен:** Скóро приими́ Влады́чице, молéния нáша, / и сия́ принеси́ Твоему́ Сы́ну и Бо́гу, Госпоже́ Всенепорóчная: / разреши́ обстоя́ния к Тебе́ притека́ющих, / сокруши́ ко́зни, и низложí дерзость вооружáющихся безбо́жно / на рабы́ Твоя́, Пречíстая.

#### Песнь 4.

**Ирмос:** *Христóс моя́ сíла, / Бог и Господь, / честнáя Цёрковь / боголéпно поёт, взывáющи, / от смýсла чíста, о Гóсподе прáзднующи.*

Изря́дный показá путь возноше́ния, смире́ние, / Сло́во смири́вшееся да́же и до зра́ка ра́бия: / Егóже подража́я всякий, возноша́ется смиря́ся.

Вознесéся пра́ведник, и низпадé фарисей: / во мно́жестве же зол отягча́емый смири́ся, / но вознесéся мыта́рь, ненаде́жно оправда́емый.

Нищеты́ ходáтай, от богатства́ добродéтелей, безúмие яв́ся: / и богатство́ áбие смире́ние оправда́ния от кра́йня нищеты́, / ю́же стя́жим.

Предрéкл еси́ Влады́ко, велемúдрствующим противоста́ти всячески, / и смире́нным благодáть Твою́ пода́я Спа́се, / смири́вшимся ны́не нам Твою́ благодáть низпосл́и.

**Слава:** К Божéственному возноше́нию прíсно возводя́ нас Спас и Влады́ка, / высокотвор́ное показá смире́ние: / но́ги бо ученико́м Свои́ма рука́ма обмы́.

**И ныне, Богородичен:** Яко́ Свет непристу́пный Дéво рóждшая, / души́ моея́ тьму светíтельною зарёю разжени́, / и к стезя́м спасéния жити́е моё руково́дствуй.

#### Песнь 5.

**Ирмос:** *Бóжиим свéтом Твои́м, Бла́же, / úтренующих Ти дýши любóвию озари́, молю́ся, / Тя вéдет, Сло́ве Бóжий, / úстинного Бóга, / от мра́ка грехóвнаго взывáюща.*

Фарисеевы́ добродéтели потщ́мся подража́ти, / и поревновáти мытарéву смире́нию, / во обою́ ненавídaюще безме́стное мнéние, / и па́губу падéний.

Правды́ течéние тщéтное облич́ся, / сопря́г в нем фарисей́ мнéние: / áбие же мыта́рь высокотвор́ною добродéтелию / стяжа́ спúтника, смире́ние.

**Колесничник** в добродетелех, мняшеся тещи фарисей: / но пещий, паче лидийския колесницы текий, мытарь добре предвари, / припряг щедроте смирение.

**Мытареву** притчу вси уразумевше умом, / приидите поревнуйм слезам, / дух сокрушенный Богу приносяще, / грехов ищуще оставления.

**Слава:** Возносливый и злобный, горделивый же и дерзый / далече отринем разумнии фарисеев нрав, лютый велехвальный, / яко да не обнажимся Божественныя благодати.

**И ныне, Богородичен:** Жезл силы Благая, всем низпосли нам к Тебе прибегающим, / обладати посреде всех враг подаючи, / и всякаго вреда изымаючи.

### Песнь 6.

**Ирмос:** Житейское море, / воздвизаемое зря напастей бурю, / к тихому пристанищу Твоему притек, вопию Ти: / возведи от тли живот мой, / Многомилостиве.

**Жития** поприще мытарь вкупе и фарисей течаста: / но ов убо высокоумием содержимь, срамне утону, / ов же смирением спасеся.

**Жития** бедное преминующе мы течение, / подражаем мытареву убо мудрование ревнительно: / бежим же кичения мерзкаго фарисея, и живи будем.

**Нравом** поревнуйм Спаса Иисуса, и Его смирению, / желающе непрестанное радости селение получитьи, / во стране живущих водворяющесея.

**Показал** еси Владыко, Твоим учеником высокотворное смирение, / лентием препоясан по чреслом, нозе умыл еси, / и сему образу подражати повелел еси.

**Слава:** Житие проидоста фарисей добродетельми, и мытарь прегрешеньми. / Но ов убо от гордости умовредныя, отступил смирения: / ов же возношается, смиренномудр явлься.

**И ныне, Богородичен:** Нага простотою, нехитростною же жизнью создана, / преступления лестию одевая мя враг, и плоти дебелством: / ныне же Твоим ходатайством Отроковице, спасаюся.

### Кондак, глас 4.

**Подобен:** Явился еси днесь:

**Фарисеева** убежим высокоглаголения, / и мытареве научимся высоте глагол смиренных, / покаянием взывающе: / Спасе мира, / очисти рабы Твоя.

### Вторый кондак, глас 3.

**Подобен:** Дева днесь:

**Воздыхания** принесем мытарская Господеви, / и к Нему приступим грешнии яко Владыце: / хочет бо спасения всех человеков, / оставление

подаёт всем кающимся. / Нас бо ради воплотися, / Бог сый Отцу собезначальный.

**Икос:** Сами себе братие вси смирим въздыханьи, / рыданьи побиём совесть: / да в суде тогда вечном тамо явима вернии, / неповинни, получивше оставление. / Тамо бо есть воистинну ослабление, / еже видети нам ныне умолим: / тамо болезнь отбеже, печаль и из глубины въздыхания, / во Едеме дивнем, егоже Христос Зиждитель, / Бог сый Отцу собезначальный.

### Песнь 7.

**Ирмос:** *Росодательну убо пещь / содела Ангел / преподобным отроком, / халдеи же опаляющее / веление Божие мучителя увещя вопити: / благословен еси, Боже отец наших.*

Оправдания дѣлы възвышаемый, / сетью тщеславия люте превознесся фарисей, безмерно хваляся: / мытарь же легким крилом смирения вознесся, Богу приближися.

Смирения аки лѣствицею употребився образом мытарь, / к небесней высотѣ възвисися: / гордынею же гнилою и безумием окаянный вознесся фарисей, / снѣде до ада преисподняго.

Праведных ловя убо лукавый, / образи тщеславия крадет: / грешных же сетью отчаяния связует. / Но убо от обоих зол мытаря ревнителие, избавитися потщима.

Молитвою Богу нашему припадѣм, / слезами и теплыми въздыханьи, / подражающе мытареву высокотворное смирение, поюще вернии: / благословен еси Боже отец наших.

**Слава:** Наказуяя ученики предглагола еси Владыко, не мудрствовати высокая, / соводитися же смиренным уча Спасе. / Темже зовѣм Тебѣ вернии: / благословен еси Боже отец наших.

**И ныне, Богородичен:** Иаковлю Тя доброту, и Божественную лѣствицу, / от долу юже виде первее, простертую к высотѣ, / вѣмы Чистая, низводящую свѣше Бога воплощенна, / и земныя паки возводящую.

### Песнь 8.

**Ирмос:** *Из пламене преподобным росу источил еси / и праведнаго жертву водою попалил еси: / вся бо твориши, Христѣ, токмо еже хотѣти. / Тя превозносим во вся вѣки.*

Смиренномудренным нравом / милостива Господа мытарь въздохнув обрѣте, и спасен бысть: / образом же лютым языка велеречиваго, / правды отпадѣ фарисей.

Фарисеева кичѣния произволения, / и именованія чистоты, бежим вернии: / ревнующе мытареву добре / помилованному смиренію и нраву.

Гласы мытаревы вернии вещаем в цѣркви святѣй: / Божѣ очисти, да с ним улучим прощение, / пагубы велехвальнаго избавльшеся фарисея.

Воздыхáнию мытарéву вси поревну́им, / и Бóгу бесéдующе, тёплыми слéзами возопи́м Емú: / Человеколю́бче, согреш́ихом, / благоутрóбне Щéдрый, очисти и спаси́.

**Благословím Отца́, и Сы́на, и Свята́го Дúха, Гóспода.**

Стенáнием мытарéвым Бог преклони́ся, оправди́в же сегó, / всем показá преклоня́тися при́сно, въздыхáньми же и слезáми, / прегрешéний прося́ще разрешéние.

**И ны́не, и при́сно, и во véки векóв, амíнь.**

**Богородичен:** Не вем пáче Тебé ино́го заступлénия, / Тя предлага́ю моли́твенницу, Чíстая Всенепорóчная. / Тя ко из Тебé рождéнному ходáтаицу двíжу: / всех оскорбля́ющих мя свобóдна покажи́.

### **Песнь 9.**

**Ирмос:** *Бóга / челове́ком невозмóжно видети, / на Него́же не смéют чíни А́нгельстии взирáти; / Тобóю бо, Всечíстая, яви́ся челове́ком / Слово воплощённо, / Егóже величáюще, / с Небéсными во́и Тя ублажа́ем.*

Пу́ть возношénия смирénие, / от Христá взéмше спасénия óбраз, / мытарéву обы́чаю поревну́им, / кичénие возношénия далéче отмета́юще, / нра́вом же смиренномúдриа Бóга умоля́юще.

Душе́вную горды́ню отвёржим, / нрав пра́вый смиренномúдриа стя́жим, / себé оправдáти не тщímся, / тщеслáвия кичénие возненавídим, / и с мытарéм Бóга умо́лим.

Моли́твы Содéтелю мíлости принесём мытар́ския, / фарисéйских отвращáющиеся неблагода́рных моли́тв, и велехвáльных гласóв, / íже на блíжняго суд возвóдят, / да Бóга мíлостива и свет привлечём.

Мно́гим прегрешéний собрáнием отягчén, / изобíлием злóбы мытаря́ преидóх, / и фарисеево велехвáльное кичénие притяжáх, / отвсю́ду пуст всех быв благíх: / Гóсподи, пощади́ мя.

Твоегó сподóби блажénства, / Тебé рáди дúхом ни́щих сýщих: / учéнием бо Твоегó повелénия, / дух сокрушénный Тебé прино́сим, Спа́се, / приём, спаси́ Тебé служа́щия.

**Слава:** Бóгу мытарь нéкогда помолíвыйся, / в цёрковь вёрне вшед, оправдáся: / въздыхáньми бо и слезáми пришéd, сокрушénием же сёрдца: / все отложи́ грехóв брéмя очищénными.

**И ны́не, Богородичен:** Пéти, сла́вити, и блаж́ити Тя дава́й нам, / достóйно чтúщим Тя Пречíстая, / и Рождество́ Твое́ величáющим, ед́ина благословénная: / Ты бо еси́ похвалá христиáном, / и к Бóгу моли́твенница благоприятная.

**Ексапостиларий воскресный.**

**Таже Триоди, глас 1.**

**Подобен:** Со ученики́ взы́дем:

**Слава:** Высокорéчия убеж́им фарисеева злэйшаго, / смирénию же нав́икнем мытарéву изряднейшему, / да вознесёмся вопию́ще к Бóгу со

óнем: / очисти рабы́ Твоя́, / роди́вшийся от Дёвы Христé Спа́се во́лею, / и  
Крест претерпéвый, / совоздвигну́вый мир Твои́м Божéственным  
могúтством.

**И ныне, Богородичен, подобен:** Творéц создáния, и Бог всех, / плоть  
человéческую при́ят из непорóчныхя утрóбы Твоея́, / Всепéтая Богорóдице: /  
и тлénное моé естество́ все обновí, / па́ки я́коже прéжде рождества́ оста́вь  
по рождестве́. / Отонúдуже Тя véрою вси восхваля́юще зовéм: / ра́дуйся  
ми́ру сла́во.